

TEKS UCAPAN
YBHG DATO' SR AZIZ BIN ABDULLAH
KETUA PENGARAH
LEMBAGA LEBUHRAYA MALAYSIA

05 SEPTEMBER 2018

SEMPENA
HARI INOVASI 2018 LEMBAGA LEBUHRAYA MALAYSIA
“KREATIVITI PENCETUS INOVASI”
DEWAN SERBAGUNA LEMBAGA LEBUHRAYA MALAYSIA

TERIMA KASIH SAUDARA PENGACARA MAJLIS.

YBHG. DATO IR. MOHD SHUHAIMI BIN HASSAN

TIMBALAN KETUA PENGARAH (PEMBANGUNAN)

Y. BERUSAHA PN. ZURAIDA BTE SHAHARUDIN

PENGARAH KANAN PENGURUSAN

PENGARAH-PENGARAH BAHAGIAN

KETUA-KETUA EKSEKUTIF SYARIKAT KONSESI LEBUHRAYA

TUAN-TUAN DAN PUAN-PUAN YANG DIHORMATI.

ASSALAMUALAIKUM WBT.

PENDAHULUAN

1. ALHAMDULILLAH SEGALA PUJI MILIK ALLAH SWT. SELAWAT DAN SALAM KE ATAS JUNJUNGAN BESAR NABI MUHAMMAD SAW. BERSYUKUR KITA KE HADRAT ILLAHI KERANA DENGAN IZIN DAN LIMPAH KURNIA-NYA, KITA DIBERI RUANG DAN KESEMPATAN UNTUK BERSAMA-SAMA BERHIMPUN SEMPENA HARI INOVASI LEMBAGA LEBUHRAYA MALAYSIA BAGI TAHUN 2018. SESUNGGUHNYA PENGANJURAN HARI INOVASI INI MEMBUKTIKAN KOMITMEN LLM TERHADAP USAHA-USAHA MENYEMARAKKAN BUDAYA INOVASI DI KALANGAN WARGA LLM DAN SYARIKAT KONSESI LEBUHRAYA.

2. SELAIN ITU, MELALUI PENGANJURAN HARI INOVASI INI, IA DAPAT DIJADIKAN SEBAGAI MEDIUM UNTUK BERKONGSI IDEA BERKAITAN INOVASI DAN KREATIVITI DI KALANGAN WARGA KERJA LLM DAN SYARIKAT KONSESI LEBUHRAYA KHUSUSNYA DALAM ASPEK TEKNIKAL DEMI MENGHASILKAN PERKHIDMATAN TERBAIK KEPADA RAKYAT.

3. SAMBUTAN HARI INOVASI YANG DIADAKAN JULUNG KALINYA OLEH LLM MENCERMINKAN KEPENTINGAN MEMBUDAYAKAN KREATIVITI DAN INOVASI DI DALAM KERJA

HARIAN UNTUK SENTIASA MELETAKKAN LLM DAN SYARIKAT KONSESI BAWAH SELIANNYA DI LANDASAN YANG PALING EFISIEN DAN EFEKTIF BAGI MENJAMIN PERKHIDMATAN TERBAIK KEPADA RAKYAT. IA JUGA MAMPU MENCIPTA DAN MENYERLAHKAN KEUNIKAN SESUATU PRODUK DAN PERKHIDMATAN, SETERUSNYA MENINGKATKAN KEBERHASILAN INOVASI DI KALANGAN WARGA LLM.

INOVASI LEMBAGA LEBUHRAYA MALAYSIA

HADIRIN SEKALIAN,

4. INOVASI MERUPAKAN HASIL CETUSAN IDEA-IDEA YANG KREATIF DAN INOVATIF DALAM PELBAGAI ASPEK KERJA YANG DAPAT MENINGKATKAN KUALITI DAN PRODUKTIVITI ORGANISASI SERTA KEHIDUPAN MASYARAKAT. IDEA-IDEA TERSEBUT BOLEH DIPEROLEHI DARI DALAM MAHUPUN LUAR ATAU MENERUSI PROSES PENYELIDIKAN DAN PEMBANGUNAN (R&D).

5. R&D AMAT PENTING KEPADA SESEBUAH ORGANISASI BAGI MENCIPTA PRODUK BAHARU DAN MENGINOVASIKAN PRODUK SEDIA ADA UNTUK DISESUAIKAN DAN DIGUNAPAKAI MENGIKUT KEPERLUAN LLM DAN SYARIKAT KONSESI LEBUHRAYA. INOVASI

YANG DIHASILKAN HARUSLAH MAMPU MENAMBAH NILAI OUTPUT SEMASA SERTA MEMBAWA PERUBAHAN BAHARU YANG LEBIH EFISIEN KEPADA BUDAYA KERJA SEDIA ADA.

6. ILTIZAM UNTUK MENEMPATKAN NEGARA DALAM KELAS NEGARA MAJU MEMERLUKAN PEMBUDAYAAN INOVASI DAN KREATIVITI SECARA TERANCANG DAN KONSISTEN. INOVASI PADA HARI INI TELAH MENJADI PENANDA ARAS BARU GLOBAL DAN SUDAH PASTI MENUNTUT KEPADA KEUPAYAAN PENCIPTAAN YANG BUKAN SAHAJA BERSIFAT BAHARU, UNIK DAN BERMANFAAT TETAPI JUGA MAMPU BERFUNGSI SEBAGAI PEMANGKIN KEPADA NEGARA YANG SEJAHTERA.

7. KEMUNCULAN GELOMBANG TEKNOLOGI BAHARU YANG DIKENALI SEBAGAI REVOLUSI PERINDUSTRIAN KE-4 TELAH MEMBAWA PELBAGAI TEKNOLOGI YANG BERIMPAK TINGGI. DALAM MENDEPANI GELOMBANG INI, KITA PERLU LEBIH KREATIF DAN INOVATIF DALAM Mencari penyelesaian merentasi kelaziman berteraskan teknologi yang merupakan "GAME-CHANGERS" bagi merangsang pembangunan lebuhraya di masa hadapan. REVOLUSI PERINDUSTRIAN KE-4

MERUPAKAN PEMBANGUNAN TEKNOLOGI YANG MENAMPILKAN GAYA HIDUP YANG LEBIH CEPAT, MUDAH DAN EFISIEN.

8. OLEH ITU, SAYA MENYERU WARGA LLM DAN SYARIKAT-SYARIKAT KONSESI LEBUHRAYA UNTUK MENINGKATKAN DAN MEREKACIPTA LEBIH BANYAK LAGI PRODUK-PRODUK INOVASI DALAM PEMBINAAN DAN PENGOPERASI LEBUHRAYA DI NEGARA KITA. LLM SEKARANG SUDAH ADA PELBAGAI SISTEM ANTARANYA HAQS, SPPL, EPI DAN SEBAGAINYA.

TEMA HARI INOVASI PERINGKAT LLM TAHUN 2018: “KREATIVITI PENCETUS INOVASI”

9. SAYA DIFAHAMKAN TEMA SAMBUTAN HARI INOVASI LEMBAGA LEBUHRAYA MALAYSIA PADA TAHUN INI ADALAH “KREATIVITI PENCETUS INOVASI”. TEMA INI DIPILIH SELARAS DENGAN USAHA KITA MELAHIRKAN WARGA KERJA INDUSTRI LEBUHRAYA YANG KREATIF DALAM MELAKSANAKAN TUGASAN.

10. INI ADALAH SEIRING DENGAN SENARIO GLOBAL SEMASA DI MANA, INOVASI MENJADI TUNJANG KEPADA SESEBUAH NEGARA KE ARAH MENJADI NEGARA MAJU, MODEN DAN BERTEKNOLOGI TINGGI. USAHA MEMPELBAGAIKAN INOVASI PERLU MENJADI TERAS BAGI MEMBOLEHKAN SESEBUAH NEGARA ATAU

ORGANISASI MENGHADAPI DAN MENGADAPTASI KEPADA PERUBAHAN PERSEKITARAN YANG PESAT DARI ASPEK SOSIAL, EKONOMI, BUDAYA DAN ALAM SEKITAR.

11. SAYA MENGAJAK KITA SEMUA UNTUK BERGERAK SEBAGAI SATU PASUKAN BAGI MEMBENTUK GANDINGAN YANG MANTAP DAN PADU DEMI KELANGSUNGAN LLM DAN SYARIKAT PENGENDALI LEBUHRAYA PADA MASA AKAN DATANG. POSITIFKAN MINDA, JADIKAN SETIAP KELEMAHAN DAN KEKURANGAN ITU SEBAGAI SATU KELEBIHAN DAN PELUANG UNTUK KITA MENGHASILKAN SESUATU YANG LEBIH KREATIF DAN INOVATIF IBARAT NUKILAN MENDIANG STEVE JOBS PENGASAS APPLE “LET’S GO INVENT TOMORROW INSTEAD OF WORRYING ABOUT WHAT HAPPENED YESTERDAY”.

PENUTUP

12. BERSEMPENA DENGAN HARI INOVASI LLM MALAYSIA 2018 YANG KITA RAIKAN PADA HARI INI, SAYA MENYERU PARA HADIRIN UNTUK TERUS MEMPERKASAKAN USAHA-USAHA MEREKA-CIPTA PRODUK-PRODUK BAHARU LAGI INOVATIF DAN MENGELUARKAN IDEA-IDEA KREATIF BAGI MENINGKATKAN PRESTASI DAN KUALITI PENYAMPAIAN PERKHIDMATAN KITA

SEIRING DENGAN TEMA PADA TAHUN INI “KREATIVITI PENCETUS INOVASI”. INOVASI YANG DIHASILKAN BUKAN SEKADAR BERTUJUAN MENYERTAI PERTANDINGAN ATAU MENDAPAT PENGIKTIRAFAN SEMATA-MATA, SEBALIKNYA TUMPUAN HENDAKLAH DIBERI KEPADA PENGUKUHAN INOVASI SECARA BERTERUSAN BAGI MENINGKATKAN BUDAYA INOVASI DALAM KALANGAN WARGA LLM KHUSUSNYA DAN PERKHIDMATAN AWAM AMNYA.

13. DENGAN LAFAZ BISMILLAHHIRRAHMANHIRRAHIM SAYA DENGAN SUKACITANYA MERASMIKAN HARI INOVASI LEMBAGA LEBUHRAYA MALAYSIA BAGI TAHUN 2018.

AKHIR KATA, SAYA DAHULUI DENGAN UCAPAN RIBUAN TERIMA KASIH. WABILLAHITAUFIK WALHIDAYAH WASAALAM MU ALAIKUM WARAH MATULLAH HIWABARAKTUH.